

**INSTRUCCIÓN DA XERENCIA 5/2021, DO 6 DE MAIO,
POLA QUE SE AMPLÍAN OS SERVIZOS ESENCIAIS
ESTABLECIDOS NA INSTRUCCIÓN 3/2021 QUE
REGULA O DESENVOLVEMENTO DO PECHES DOS
CENTROS, INSTALACIÓNS E DEPENDENCIAS DA
UNIVERSIDADE DE VIGO NOS PERÍODOS DO 29 AO
31 DE MARZO E DO 4 AO 18 DE AGOSTO DE 2021.**

En data 5 de marzo ditouse a instrución da xerencia 3/2021 pola que se regula o desenvolvemento do peche dos centros instalacións e dependencias da Universidade de Vigo nos períodos do 29 ao 31 de marzo e do 4 ao 18 de agosto de 2021.

No segundo parágrafo do artigo 1 da devandita instrución dispónse: *“Non obstante, dadas as circunstancias derivadas da situación provocada pola Covid-19, a instrución poderá ser obxecto de modificación en función das medidas de seguridade e protección que poidan adoptar as autoridades competentes, ou como consecuencia da concreción de prazos de xestión ou tramitación que estableza a Comunidade Autónoma de Galicia ou o Estado e que afecten a algún dos períodos de peche reflectidos.”*

Comunicadas pola CIUG as datas de matrícula de primeiro para o curso 2021/2022, verifícase que hai 3 prazos, en concreto o 6º, 7º e 8º, que coinciden con datas de peche estipulados na instrución da xerencia 4/2020, polo que resulta imprescindible o establecemento dos servizos esenciais precisos para atender esta necesidade non prevista cando se ditou a instrución 3/2021.

1. Obxecto.

Esta instrución ten por finalidade complementar a regulación do desenvolvemento do peche de centros, instalacións e dependencias da Universidade de Vigo establecida na instrución 3/2021 no período comprendido entre o 4 e o 18 de agosto de 2021, ambos incluídos, por mor dos prazos establecidos para a matrícula de primeiro no curso 2021/2022.

2. Prestación de servizos esenciais durante o peche.

Dadas as circunstancias actuais de emerxencia sanitaria, o persoal designado para realizar os servizos esenciais, se é o caso, poderá optar entre a prestación de servizos presencial ou non presencial.

As persoas responsables comunicarán á xerencia a modalidade na que se prestarán os servizos esenciais nas datas especificadas nesta instrución.

1. ÁREA DE TECNOLOXÍAS DA COMUNICACIÓN E INFORMACIÓN (ATIC).

- a) Modifícase o segundo epígrafe do punto 3.3 da instrución 3/2021, nos seguintes termos:

Onde di:

- 1 técnico/a da área de tecnoloxías da información e comunicacións de grupo I para o control e mantemento do aloxamento de portal web, correo electrónico e servizos dependentes.

Debe dicir:

- 1 técnico/a da área de tecnoloxías da información e comunicacións de grupo I para o control e mantemento do aloxamento de portal web, correo electrónico, automatrícula, xescampus e servizos dependentes.

- b) Prestación de servizos os días 4, 5, 9, 10, 12 e 13 de agosto de 2021.

- 1 técnico/a da área de tecnoloxías da información e comunicacións de grupo I para o soporte aos procesos de automatrícula e de xestión académica relacionados.

O persoal que deberá atender estes servizos esenciais nas unidades especificadas, determinaranse por acordo entre o persoal afectado. De non haber acordo, efectuarase por sorteo, sendo rotatorio nos seguintes anos.

As persoas responsables de cada unidade comunicarán á Xerencia, con data límite do 16 de xullo de 2021, a relación nominal de persoal que atenderá os servizos esenciais establecidos.

Vigo, 6 de maio de 2021

A xerenta

Raquel M. Souto García

(documento asinado dixitalmente)